



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Intentio.

urn:nbn:de:hbz:466:1-30427

habet plenariam indulgentiam, ut patet ex literis Inno. III. & etiã si in dicto officio moritur. Alia quæ potest inquisitor, vide in Direct. Hæc enim pauca posui quasi quoddam summarium. Qui plura voluerit scire, directorium videat inquisitorum.

INSENSIBILITAS.

Insensibilitas secundum Caieta. supra, peccatum est, quod committitur, quando sine rationabili causa quis in tantum abhorret, & fugit delectationes sensibiles, quod propter hoc non vult comedere, non vult se vestire ut decet, subtrahit debitum coniugale vxori, & alia necessaria ad propriam vitam, vel debita proximo negligit: & tunc est mortale peccatum, quamuis in paucis hoc peccatum reperiatur. Qui vero secundum virtutem temperantiæ ab huiusmodi abstinent, insensibiles non dicuntur. Thom. secunda secundæ. q. 142.

INSTIRPES.

In stripes, vel in capita succedere quid sit, vide authent. de hæret. ab intest. col. 9. Hæc enim parum confecti profunt.

INTENTIO.

Intentio bona non sufficit ad bonum opus, ut cum quis furatur ut det pauperibus, quia intentio bona est, opus autem malum. Tho. 2. sent. d. 38. a. 5. Sed bona voluntas sufficit ad bonum opus, quia bona voluntas habet intentionem, & bonum obiectum: sed tamen voluntas sine opere, quando adest facultas operandi, non sufficit ad meritum: nec verè est voluntas, sed velleitas. Si non adsit facultas, sufficit ad meritum essentiale, quod totum a voluntate informata charitate est: non autem ad premium accidentale, secundum Tho. prima secundæ. q. 20. a. 5. & 2. sent. d. 40. a. 3. Mala autem voluntas, & intentio, sufficit ad malum, etiam sine opere.

Effectus sequens actum voluntatis si est intentus, addit ad bonitatem, vel malitiam eius, ut ebrietas sequens potationem vini: si autem non est intentus, nec præcogitatus, si sequitur

de necessitate naturæ, aut in pluribus, etiam addit, si autem ut in paucioribus, & per accidens, non addit. Non enim datur iudicium de re aliqua, secundum illud, quod est per accidens. Thom. prima secundæ. q. 20. a. 5. sed secundum illud, quod est per se, vel ut in pluribus, quia quasi determinata sunt.

Trius modis opera humana possunt cum intentione applicari alteri, vel quando duo sunt in charitate, unus pro alio potest satisfacere applicando illi opera sua: quia sic se habent sicut membra unius corporis, quorum unum pro alio satisfacit, vel quando prælatus etiam non existens in charitate applicat opera bona suorum subditorum existentium in gratia, alijs in gratia existentibus, vel per modum indulgentiæ, ut supra, Indulgentia. 5. 9.

Omni operatio procedens ab intentione humana deliberata, si est ordinata, & facta ab existenti in gratia, est meritoria, aliàs non est meritoria, licet sit bona. ex Thom. prima secundæ. quæst. 18. a. 8. ut sunt opera virtutum moralium, & huiusmodi. Est tamen aliqua operatio, quæ non semper est meritoria, vel demeritoria. ut morale opus factum ab eo, qui sine gratia est, est enim bonum, sed non meritorium.

INTERDICTVM.

Interdictum est censura ecclesiastica. c. quarrenti. de ver. signi. & non debet inferri nisi monitione premissa. c. repræhensibilis. de appel. Debet tamen in scriptis fieri cum expressione causæ rationabilis. ca. medicinalis. eod. libr. 9. Non suspenditur per sequentem appellationem. cap. ad hæc. de appel. Causat etiam irregularitatem per celebrationem, sicut excommunicatio. ca. is cui. de sent. excom. li. 6. Huius quoque absolutio fit mediâre iuramento de parendo, & c. c. venerabili. de sent. excõ. Ligat etiam iniustum, dummodo non sit nullum. 11. q. 3. c. sententia. Impedit insuper electionem actiue, & passiue. c. cum dilectus,

y 2 ctus,